



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IX. Vices apostolicæ sedis illi datæ sunt cum Pallio, cum quo ea dignitas conjuncta erat. Porrò privilegium illud fuit personale. Posterioribus seculis Archiepiscopus Cantuariensis erat Legatus natus ...

urn:nbn:de:hbz:466:1-15617

causarum quæ inter Episcopos emergent cognitionem ei judiciumque committit. *Vices itaque nostras*, inquit, *per Bericam Lusitaniamque provincias*, *salvis privilegiis que Metropolitanis Episcopis decrevit antiquitas*, *presenti tibi auctoritate committimus*, *augentes tuam hujus participatione ministerij dignitatem*, *relevantes nostras ejusdem remedio dispensationis excubias*. Tum de celebrandis Conciliis, & de causis Episcoporum judicandis: *Quoties universalis poscit religionis causa*, *ad Concilium tecum frates evocante convenienter*; & si quos eorum specialis negotiū pulsat contentio, *jurgia inter eos oborta compescet*, *discussa sacrī legibus determinando certamina*. Demum vero jubet ut de singulis quibusque negotiis ad se referat, etiam de iis quæ finem in provincia accepissent; prorsus contra mandata quæ Vicariis Thessalonicensi & Arelatensi data fuerant, qui tum demum relationem ad apostolicam sedem mittere tenebantur, si causa in provinciali judicio terminari non potuisset. *Quidquid autem illis*, inquit Hormisda, *pro fidē & veteribus constitutis vel provida dispositiōne precipes*, *vel persona nostra auctoritate formabis*, *totum ad scientiam nostram instrūctū relationis attestatione perveniat*.

V. Hunc eundem Hormisdam volunt sancto Remigio Remensi Episcopo vices suas commississe per regnum Clodovei, qui baptizatus & infertus corpori Christi fuerat ab eodem Remigio. Extant porro literæ ad Remigium propterea datae ab Hormisda, descriptæ, ut visum est viris eruditissimis, ex superiori epistola ad Sallustium, adeoque fortassis referenda inter spuriæ Pontificum Romanorum epistles. Certè Sirmondus, cùm Conciliorum Galliæ tomos adornaret, in quos varia Romanorum Pontificum scripta conjectit, istud omisit, non omissur haud dubiè si qua in eo lux veritatis apprehensa ab illo fuisset. Quia tamen sunt qui epistolam illam germanam esse contendunt, judicio suo fruantur.

VI. Sanctus Gregorius vices suas in pluribus provinciis commisit diversis Episcopis, quos recensere supervacaneæ esset diligentia. Heic tantum agere paucis institui de vicariatu Maximiani Episcopi Syracusani & Augustini Cantuariensis. Ad Maximianum quod spectat, cùm ad eum extent plurimæ Gregorij epistles, hac in primis ejus auctoritatem sancivit in Siculas Ecclesiæ. Super cunctas Siciliæ Ecclesiæ reverendissimum te virum Maximianum fratrem & coepiscopum nostrum vices sedis apostolice ministrare decernimus, ut quisquis illuc religionis habitu censetur, fraternalitati tue ex nostra auctoritate subjaceat: quatenus eis non sit necessarium post

Tom. II.

hęc pro parvulis ad nos causis tanta maris spatia transmeando pervenires sed si qua fortasse difficultia existunt, que fraternalitatis tue judicio nequam dirimi possint, *hec solummodo nostrum judicium flagent*, ut sublevati de minimis, in causis majoribus efficacius occupemur. Ne vero successores Maximiani ex ea epistola afferre in posterum Syracusanæ sedi conarentur vicariatum apostolicae sedis, his eam verbis concludit: *Quas videlicet vices, non loco, sed ^{vide supra cap. 11. §. 1.}* persone tribuimus: quia ex transacta in te vita dicimus quidetiam de subsequenti tua conversione presumamus. Privilegium itaque fuit personale.

VIII. Anno Christi DCCCVI, cupiens Gregorius Anglos imbuere religione Christi, illuc misit Augustinum Abbatem, quem postea Episcopum ordinari iussit, Pallioque decoravit. Tum ei mandavit ut duodecim Episcopos per diversa loca ordinaret sub Londinensis Ecclesiæ, ad quam ordinatus erat Augustinus, auctoritate. Mandavit præterea ut totidem Episcopi ordinarentur sub Episcopo Eboracensi. Hos autem omnes, id est, universos Britanniæ Episcopos, decernit semper subjectos fore Augustino, ita tamen ut privilegium illud non transeat ad successores. Post obitum vero tuum, inquit, ita Episcopis quos ordinaverit (Eboracensis nimirum Episcopus) presit, ut Londoniensis Episcopi nullo modo ditione subjaceat. Sit vero inter Londoniensis & Eboracensis civitatis Episcopos in posterum honoris ista distinctio, ut ipse prior habeatur qui prius fuerit ordinatus.

IX. Objici potest nullam in his Gregorij literis mentionem esse vicariatus apostolici, adeoque hinc colligi non posse Episcopos Britanniæ subjectos Augustino fuisse tanquam Vicario Summi Pontificis. Et sane certum est vicariatum illum datum non fuisse Augustino conceptis verbis. Attamen affirmare licet eum vices apostolicae sedis acceptisse cum Pallio. Quod manifestè colligitur ex nono ejusdem Gregorij responsu ad interrogaciones Augustini, quæ extant apud Bedam. Interrogaverat illum Augustinus qualiter deberet cum Galliarum & Britanniarum Episcopis agere. Respondit Gregorius: *In Galliarum Episcopos nullam tibi auctoritatem tribuimus: quia ab antiquis predecessorum meorum temporibus Pallium Arelatensis Episcopus accepit, quem nos privare auctoritate perceptam minime debemus*. Cum Pallio igitur conjuncta tum erat dignitas Vicarii apostolicae sedis, quam adimere Arelatensi Episcopo injustum esse putabat Gregorius. Disparatio fuit de Episcopis Britannicis; quos, cùm nulli alij Vicario parerent, subjectos esse statuit Augustino, ut in superiori episto-

Q. i

la. Ait enim in fine istius responsi: *Britanniarum verò omnes Episcopos sue fraternitati committimus, ut indocti doceantur, infirmi persuasione roborentur, perversi auctoritate corrigantur.* Porrò privilegium hoc personale fuisse jam observavimus. Posterioribus tamen seculis Vicarij sive Legati dignitas affixa est Ecclesiæ Cantuariensi, ita ut Ecclesiæ illius Episcopus diceretur Legatus natus sedis apostolicæ.

C A P V T XLIII.

Synopsis.

I. *Gregorius II. Papa Bonifacium in Germaniam misit. ut gentes illas in fide Christi eridiret. Is gesit vicem Petri inter feras & indomitas gentes.*

II. *Legatione iugur Romana sedis ornata est; si ipse docet apud Othlonum & alibi. Probatur etiam auctoritate Hincmari.*

III. *Legationem exercit cum consensu Regum nostrorum & Episcoporum, in neminem consumellet. Agnovit autem nullam se muneric sui partem exequi posse abique auctoritate Karoli Francorum Principis. Karoli Martelli pietas landata à Bonifacio & a Pontificibus Romanis. Bonifaciu auctoritatem ecclesiasticam nusquam frangi permisit. quod probatur auctoritate Lupi Ferrariensis.*

IV. *Gregorius II. Legatum suum Bonifacium commendavit Karolo Martello, tum omnibus Francis, rogans eos uti Bonifacio sociisque ejus alimenta viliu necessaria subministrarent.*

V. *Queritur an ad Bonifacium perinuerit congregatio Conciliorum. Poterat cogitare de celebrando Concilio; sed eis ministerium quod hoc in sola suggestione positum erat, omninoque auctoritate Principis opus erat ad Concilia congreganda. Quod probatur auctoritate Concilij Liptenensis, tum etiam testimonio Villibaldi.*

VI. *Exiitio Zacharia, opus Bonifacii fuit vicarius continuationem petere a Stephano secundo.*

VII. *Familiaritatis apostolica sedis vocabulo intelligitur vicarius Romanus. Probatur auctoritate Bonifacij, Nicolai primi, & Innocentij tertii.*

VIII. *Refertur epistola Bonifacij ad Stephanum; qua petitiui legatio sedis apostolicae sibi continuetur.*

IX. *Ostenditur id factum ab eo non esse prava ambitione, sed ut extraordinaria illa auctoritate uestitur ad maiorem De gloriam. Instituitur aliqua comparatio inter Bonifacium & Hilarium Episcopum Arelatensem.*

X. *Bonifacius abstinuit à nomine Legati donec eam dignitatem rursum accepit a Stephano, ut colligatur ex duas illius epistolis. Martyrium pro Christo deinde subiit in Frista.*

I. **V**EM A D M O D U M Gregorius pri-
mus Anglos fide Christiana im-
buendos suscepit, ita Gregorius secundus
Germanorum curam gesit, misso in eam
provinciam Vvinfrido sive Bonifacio anno
Christi septingentesimo decimo nono. De
viri illius virtutibus necesse nunc non est

quicquam dicere, cùm satis fama notus sit, résque ab eo præclarè gestæ claris jam scriptoribus memoratae sint. De legatione tantum ejus agendum est, ut intelligere possimus in quo ea versaretur, & quis ex ea fructus colligi pro rebus nostris possit. Illud tamen interim obseruare possimus in antecessum, multis eum variisque contradictionibus jaclatum esse, utpote qui, ut ad ipsum scribit Benedictus Episcopus & vicedominus ^{s. 2. m. 10.} sanctæ sedis apostolicae, vicem beati Petri gereret inter feras & indomitas gentes. Plurimum tamen solatij inter tot mala habuit ex gratia Principum nostrorum, qui sua eum auctoritate juvarunt, eoque usi sunt ad revocandam collapsam disciplinam ecclesiasticam.

II. Legatione illum Romani Pontificis ornatum fuisse cùm in Germaniam missus a Gregorio est, tametsi Presbyter tantum esset, patet ex verbis ipsius ad Vvillibordum Episcopum Trajectensem, quæ recitat Othlonus. *Onus regiminis, inquit, quod mibi indigne imponere cupis, sancte Presul, suscipere non audeo, quia à beato Gregorio Papa in Germaniam ob evangelizandi causam directus sum; ipsiusque legationis gratia in hæ barbaras nationes adveniens, sponte me tuae gubernationis imperio subjeci.* Ea de causa ipse se eadem tempestate vocabat ultimum & pessimum omnium Legatorum quos catholica & apostolica Romana Ecclesia ad prædicandum Evangelium destinavit. Et multò pòst ad Zacharium Pontificem Romanum scribens ait: *Et quia seruum ^{litteris} & Legatus apostolice sedis esse dinoscor, unum sit verbum & meum hic & vestrum ibi. Testatur idipsum & Hincmarus in epistola xlii, cap. xx. Gregorius à primo secundus, sed & tertius Gregorius, Vvinfrido cognomento Bonifacium Legatus apostolice sedis ad reformandam Christianitatis religionem, primò Presbyterum, postea vero Episcopum ordinatum, direxerunt.*

III. Vicariatum ille suum exercuit cum ^{rebus} consensu Regum nostrorum & Episcoporum, quorum intererat, nulla injuria facta juri Principum aut Conciliorum. Itud ex epistola cxxxv, Bonifacij ad Zacharium collegit illustrissimus Archiepiscopus, in qua sic legitur: *Notum enim sit paternitati vestra quia postquam indigno mihi mandatis in provincia Francorum, sicut & ipsi rogarerunt, sacerdotali Concilio & synodali conventui praefesse, multas injurias & persecutions passus sum. Sancte ipse Bonifacius scribens in initio sua legationis ad Danielem Episcopum, agnoscit nullam se muneric sui partem exequi posse abique auctoritate Karoli Francorum Principis. Nam sine patrocinio Principis Francorum nec populum regere, nec Presbyteros vel Diaconos,*